

ԹՎԱԿԱՆՈՒԹՅԱՄԲ ԺԱՄԱՆԱԿԱԳՐՈՒԹՅՈՒՆԸ ՀԱՅ ՊԱՏՄԱԳՐՈՒԹՅԱՆ ՄԵՋ

Պատմ. գիտ. դոկտոր Ա. Ն. ՏԵՐ-ՂԵՎՈՆԴՅԱՆ

Թեև հայ պատմագրությունը մեր մատենագրության արշալույսին արդեն քարձր մակարդակի վրա էր գտնվում, այսուհանդերձ դեռ մի քանի դար թվականությամբ ժամանակագրություն չունեցավ: Առաջին հայ պատմիչները (Ագաթանգեղոս, Փավստոս Բուզանդ, Եղիշե, Ղազար Փարպեցի) դեպքերի ժամանակագրությունը կապում էին այս կամ այն հայ թե օտար տիրակալի իշխանության տարիների հետ («Ի թագաւորութեանն Տրդատայ որդւոյն Խոսրովու...»¹) և կամ որևէ հիշատակելի դեպքի հետ («Ապա ամս ութ յետ գնալոյն փախչելոյն արքային Հայոց Արշակայ ի թագաւորին Պարսից Շապուհ...»²): Վերոհիշյալ պատմիչների մոտ չկա ժամանակագրություն, թեև կույզ առանց թվականության:

Առաջին անգամ պատմական ժամանակագրություն գտնում ենք Սովսես Խորենացու և Սեբեոսի (Անանունի) մոտ, որտեղ տրված են թե՛ հայ, թե՛ օտար ամեն մի թագավորի իշխանության տարիներն ըստ հաջորդականության և հնարավոր է այդ տվյալներով կազմել ամբողջական շարքեր: Սակայն այստեղ ևս դեռ չկա թվականի օգտագործում, մինչդեռ այդ ժամանակ արդեն վաղուց (V դարի առաջին կեսում) հայերեն էր թարգմանված Եվսեբիոս Պամփիլոս Կեսարացու (263—340) «Ժամանակականք» (Քրոնիկոն) աշխատությունը³, որտեղ կա ժամանակագրություն Հռոմի հիմնադրման, հունական օլիմպիադայի թվականներով: Այդ ժամանակ Հայաստանում հայտնի էր նաև սելևկյան թվականը⁴:

Հայ պատմիչները թվականության կիրառումով պատմություն սկսեցին շարագրել միայն VI դարում հայկական թվականի (Հայոց մեծ թուական) ընդունումից հետո: Սակայն դրանից միայն մի քանի դար անց սկսվեց թվականի կանոնավոր օգտագործումը:

Հայոց մեծ թվականի սկզբնավորումից հետո ապրած առաջին հայ պատմիչը՝ Սեբեոսը չի օգտագործում հայկական թվականը և ոչ էլ որևէ այլ թվական, ըստ երևույթին այն պատճառով, որ գեո անշարժ տոմար պետք էր մշակել: Սեբեոսը դեպքերի նկարագրությունը տալիս է սոսկ տիրակալների տարիներով. «Եւ եղեւ ի քսաներորդի ամի Յագկերտի արքայի Պարսից և մետասան ամի Կոստասի կայսեր...»⁵: Նույն ձևը օգտագործվում էր նաև վիմադիր

¹ «Փաւստոսի Բիւզանդացւոյ Պատմութիւն հայոց», Վենետիկ, 1933, պար. Գ, գլ. Բ, էջ 18:

² Փավստոս, պար. Գ, գլ. ԽԱ, էջ 144:

³ «Եւսեբի Պամփիլեայ Կեսարացւոյ ժամանակականք երկմասնեայ», մասն Ա, ժամանակագրութիւն պատմական, մասն Բ, Քրոնիկոն կանոն, Վենետիկ, 1818:

⁴ Հստ Գ. Սարգսյանի Մովսես Խորենացու ժամանակագրության մեջ ժամանակի աշխարհում է սելևկյան տոմարի (մ. թ. ա. 311) հետո ՏԵՍ Գ. Սարգսյան, Մովսէս Խորենացու Հայոց Պատմութեան ժամանակագրական համակարգը, Երևան, 1965, էջ 15:

⁵ «Սեբեոսի Եպիսկոպոսի Պատմութիւն», ի ձեռն Ս. Մալխասեանց, Երևան, 1939, էջ 132:

արձանագրություններում: Հայոց իշխան Գրիգոր Մամիկոնյանի (661—685) կրուհի տաճարի կառուցման մասին արձանագրության մեջ ասվում է. «Ի և Թ ամի Կոստանտնի մարերի ամսոյ որ ար Ժ և Ե հիմնարկեցաւ...»⁶:

Առաջին հայ պատմիչը, որ հայկական թվականն է օգտագործում, Անանիա Շիրակացին է, որին և Անաստաս կաթողիկոսը հանձնարարել էր մշակել անշարժ տոմար: Խոսելով խաղարների արշավանքի մասին, նա գրում է. «Եւ սուրհին ի պատերազմի զիշխանս Հայոց, Վրաց և Աղուանից յամսեանն սահմի, որ ար տասն էր ամսոյն ի ՃԼԴ թուականին Հայոց»⁷ (16 օգոստոսի 685)⁸:

Անանիա Շիրակացին, հենվելով Եվսեբիոս Կեսարացու աշխատության վրա, շարադրում է տիեզերական պատմությունը: Նրա ժամանակագրական հաշիվները սկսում են աշխարհի արարչագործությունից մինչև մեր թվականության (փրկչական թվականի) սկիզբը, այսինքն հասնում 685 թ., սակայն առանց թվականների: Նա շարադրում է հին հրեաների, պարսից թագավորների և Հռոմի ու Բյուզանդիայի կայսրերի ժամանակագրությունը, հիշելով ամեն մի տիրակալի իշխանության տարիները: Իր ժամանակագրության մեջ Անանիա Շիրակացին այնքան է օգտվել Եվսեբիոս Կեսարացու Քրոնիկոնից, որ էրբեմն տառացի ընդօրինակել է⁹:

Ն. Ադոնցը¹⁰ նշում է հայկական թվականի օգտագործման մի դեպք Մովսես Կաղանկատվացու պատմության մեջ: Բ հատորի (գրված VII դարի վերջին կամ VIII դարի սկզբին) Թ զլխի վերջում հեղինակը ընդգծում է, որ պատմելու է գալիք տաճնապի մասին սկսած «լառաջին ութնետասն նահանջէն յարութեան Տեառն մերոյ Յիսուսի Քրիստոսի մեհեկի ամսոյն՝ յերեսուն եւ հինգ ամէն խոսրովու Որմզդեան արքայից արքայի»¹¹: Այստեղ խոսրովի 35-րդ տարին է $590 + 35 = 625$: Իսկ վերոհիշյալ 18 նահանջը շորսով բազմապատկելով ստանում ենք 72 (հայկական թվականը), որին եթե դումարենք 553 (լստ ն. Ադոնցի) կստացվի 625¹²:

Հաջորդ սկզբնաղբյուրը, որտեղ օգտագործված է հայկական թվականը, Հովհան կաթողիկոսի Օձնեցու «Սակս ժողովոց» գրվածքն է, ուր հիշված է, թե Մանազկերտի ժողովը տեղի է ունեցել ՃՀԵ (726) թ.¹³: Հայկական թվականը օգտագործված է նաև Ղևոնդ պատմագրի մոտ, որը, խոսելով Արծրունի Սահակ և Համազասպ եղբայրների արաբ ոստիկան խուլայմայի կողմից նահատակելու մասին, գրում է. «Գործեցաւ այս յիշխանութեանն Մուսէի յազատակեանն խաղմայ, յաւուրս սուրբ յայտնութեանն Տեառն յորում էր թուականս Հայոց մլգ»¹⁴: Նույն այդ տարիներին է պատկանում նաև մեզ

6 Н. А. Орбели, Избранные труды, Ереван, 1963, էջ 402: П. Мурадян, Хронология систем летоисчисления по армянским источникам, ՀՍՍՀ ԳԱ «Լրագր» (հաս. գիտ.), 1976, № 1, էջ 49—64:

7 Ա. Գ. Աբրահամյան, Անանիա Շիրակացու մատենագրությունը, Երևան, 1944, էջ 399:

8 Հ. Ս. Բաղալյան, Օրացույցի պատմություն, Երևան, 1970, էջ 325:

9 Ա. Գ. Աբրահամյան, Անանիա Շիրակացու մատենագրությունը, էջ 170:

10 Ն. Ադոնց, Քննություն Մովսես Կաղանկատվացու, «Անահիտ», հունիս—դեկտեմբեր, Փարիզ, 1939, էջ 23—25:

11 «Սովմանսի Կաղանկատուացույ Պատմութիւն Աղուանից աշխարհի», 1913, էջ 145:

12 Ն. Ադոնց, նշվ. աշխ., էջ 23—25:

13 «Տոմարանո: Իմաստասիրի հայոց կաթողիկոսի սակս ժողովոց որ եղեն ի Հայք. «Գիրք լիղթոց», մատենագրութիւն նախնեաց», Տփղիս, 1901, էջ 223:

14 «Պատմութիւն Ղևոնդեայ մեծի վարդապետի Հայոց», Պետերբուրգ, 1837, էջ 160:

հասած հայկական հնագույն թվակիր արձանագրությունը (Ուխտատուր վանականի) Թալիեի եկեղեցու վրա. «ՄԼԲ թուականութեան Հայոց»¹⁵ (783 թ.):

Այսպես, հարյուր տարուց ավելի շօղտագործվելուց հետո հայկական թվականությունը VII դարի վերջում և VIII դարում սկսեց կիրառվել պատմական աղբյուրներում: Պատմիչ կաթողիկոս Հովհաննես Դրասխանակերտցին, խոսելով հայկական տոմարը անշարժ գարձնելու համար Անաստաս կաթողիկոսի (661—667) գործադրած ջանքերի մասին, նշում է, որ նա այդ բանը հանձնարարեց Անանիա Անեցուն (Շիրակացուն), նպատակ ունենալով «ըստ բոլոր սզգաց պայմանի՝ անշուշտ յօրինելու զկարգ հայկականս տոմարի, զի բարեձևագունից ոմանց և զմեր կշռադատեալ՝ մի կարօտասցուք զալ ի զուգաւորութիւն Հռովմայեցւոց»¹⁶:

Այլ աղբերի տոմարից կառած չլինելու հարցը շատ հրատապ էր իր ժամանակի համար, սակայն պետք է նշել, որ բացի հոռմայեցոց տոմարից զգուշանալուց, հենց նույն Անաստաս կաթողիկոսի ժամանակ անհրաժեշտ էր նախ խուսափել մի այլ տոմարից: Դա մասնական թվականությունն էր, այսինքն հիշքին:

Սեբեոսը երկու դեպքում անորոշ ձևով ունի «ամս իսմայելացւոց տէրութեանն» արտահայտությունը: Հիշելով արաբների և պարսիկների կովի մասին, որտեղ վերջիններս պարտվեցին, նա նշում է, որ դա տեղի ունեցավ «լամին ԺԻ-երորդի իսմայելացւոց տէրութեանն»¹⁷: Սակայն Սեբեոսը շարունակության մեջ նշում է, որ այդ տարում կործանվեց Սասանյանների տիրությունը, ուստի պարզ է, որ դա 652 թ. է, մանավանդ որ նա ասել էր, թե դա տեղի ունեցավ Կոստանդ կայսեր (641—668) տասնմեկերորդ տարում: Ապա խոսելով Կոստանդ կայսեր 653 թ. Հայաստանի վրա հարձակվելու մասին, ավելացնում է. «Յամի ԺԲ-երորդի թագաւորութեանն իւրում ի քսան ամիս իսմայելացւոց տէրութեանն»¹⁸: Հավանաբար ալստեղ Սեբեոսը նկատի ունի ոչ թե բուն հիշքի (622), այլ առաջին խալիֆայի իշխանության գլուխ անցնելու թվականը (632):

Հիշքի թվականը օգտագործված ենք գտնում Մովսես Կաղանկատվացու պատմության մեջ: Բ հատորի ԼԺ գլխի սկզբում հիշվում է, թե «ի վաթսնե-րորդ երկրորդ ամի հարաւայնոյ իշխանութեան դուռնին Մահմատայ»¹⁹ Հայոց արևելից կողմանց իշխան վարազ Տրդատը Հայոց իշխան Դբիգոր Մամիկոնյանի համաձայնությամբ Իսրայել եպիսկոպոսին ուղարկեց հոների մոտ: Ինչպես հայտնի է, այս առաքելությունը եղավ 682 թ.²⁰ Իսկ հիշքի 62 թ. (681—682) համընկնում է դրան: Անորոշ ձևով հիշքի թվականն օգտագործված է նաև Դևոնդի մոտ, որն արաբների արշավանքներից մեկը թվագրում է «ի քսան և վեցերորդ ամի նոցին իշխանութեանն»²¹, այսինքն՝ 646—647 թ.:

¹⁵ Գ ա Ր Ե գ ի ն վ ա Ր դ ա պ Ե տ, Քարտեզ հայ հնագրութեան, «Շողակաթ», Վաղարշապատ, 1913, էջ 176:

¹⁶ «Պատմութիւն Յովհաննու կաթողիկոսի», Երուսաղէմ, 1367, էջ 118:

¹⁷ Ս Լ Բ Ե ո ս, էջ 139—140:

¹⁸ Ս Լ Բ Ե ո ս, էջ 141: Նույնը կրկնվում է Անանունի բաժնում (Դ գլխի վերջում), «Յեր-կոտասան ամի Կոստանդի և ի Բ-երորդ ամի իսմայելացւոց տէրութեանն»:

¹⁹ Մ ո Վ ս Ե ս Կ ա Ղ ա ն կ ա տ վ ա ջ ի, էջ 269:

²⁰ А. Н. Тер-Гевондян, Армения и арабский халифат, Ереван, 1977, էջ 50:

²¹ Դ և Ո Ն Դ, էջ 8:

Նման իրադրությունը չէր կարող չմտահոգել հայ եկեղեցուն և ժամանակի մտածողներին, որոնք անհանգստացած էին ամեն մի օտար տոմարի ներթափանցման վտանգով, լինի դա «հռովմայեցուց», թե «իսմայելացուց»:

Սակայն VIII դարում²² հայկական թվականը շրջանառության մեջ մտնելուց հետո պարմանալի կերպով դեռ երկու դար չդարձավ հայկական պատմական երկերի ժամանակագրության հիմքը: IX դարի վերջերի և X դարի սկզբի մեծանուն պատմիչներ Թովմա Արծրունին (մասամբ) և մանավանդ Հովհաննես կաթողիկոս Դրասխանակերտցին իրենց պատմական աշխատությունները չեն կառուցում թվակիր ժամանակագրության վրա:

Թովմա Արծրունին քաջ ծանոթ է նվաճելու Կեսարացու Քրոնիկոնին, ինչպես նաև տարբեր թվականների: Նա մի քանի անգամ²³ հիշում է յոթելեանք²⁴, ուլիմպիատք²⁵ և ընդիքտիոնք²⁶ թվականները: Խոսելով նոր նշանակված Յուսուֆ ոստիկանի մասին (851) հիշում է նրա թվականը. «Արդ ի գալ միւսոյ ամին որ յոթելեանք զ և ուլիմպիատք հը, ընդիքտիոնք ի, որ է ըստ հայերէն թուականութեանն յ», այսինքն հայկական 300 (851) թ.: Գերված հայ նախարարների Միջագետքից վերադարձի մասին պատմելիս նա նշում է. «Եւ եղև ի յնուլ վեցերորդ ամի գերութեանն հայոց որ է յզ ամ ըստ թուոյ հայերէն տոմարին: և ունի յոթելեանք զ և ուլիմպիատք և ընդիքտիոնք»: Սա համապատասխանում է հայկական 306 (857) թ.:

Համեմատյան դեպս Թովմա Արծրունին որոշ չափով գործածում է թվականը ժամանակագրության մեջ, երբ հիշում է իրեն ժամանակակից գեպերը (IX դարի երկրորդ կես), այսինքն յ (300=851) թվականից մինչև յծա (351=902): Օրինակ յ (851) թ. Յուսուֆը եկավ Հայաստան, յբ (302=853) թ. Ատոմյանները նահատակվեցին, յդ (306=857) թ. գերի տարված նախարարները վերադարձան, յէ (307=858) թ. Աշոտ Արծրունին դարձավ գերությունից, յիգ (323=874) թ. մեռավ Աշոտ Արծրունին, յլթ (339=890) թ. մեռավ Հայոց Աշոտ Ա Բագրատունի թագավորը, յլսէ (347=898) թ. Աֆշինի զորքը կործանվեց, յծա (351=902)²⁷ թ. Հայոց Սմբատ Բ Բագրատունի թագավորը հաղթանակ տարավ ապստամբների դեմ և այլն: Ըստ էության հայ պատմագրության մեջ սա առաջին փորձն էր հայկական թվականներով (և ընդհանրապես որևէ թվականով) շարագրելու թեկուզ շատ կարճ ժամանակաշրջանի (կես դար) և հիմնականում մեկ նահանգի (Վասպուրականի) պատմությունը:

²² Հետաքրքրական է նշել, որ այդ ժամանակ թվականության մասնակագրությունը արդեն արմատանում է արևելյան բոլոր երկրներում: VIII դարի երկրորդ կեսին գրված Կեղծ Դիոնիսիոս Տելլ Մահրացու ասորերեն ժամանակագրությունը հենվում է սելեկյան թվականության վրա, իսկ IX դարի սկզբին բյուզանդացի նշանավոր պատմիչ Թեոփանեսն (752—813) իր ժամանակագրությունը հյուսել է աշխարհի արարչագործության թվականի հիման վրա (V. Grümel, *Traité d'études byzantines*, I, La chronologie, Paris, 1958).

²³ «Թովմայի վարդապետի Արծրունույ Պատմութիւն տանն Արծրունեաց». ՍՊԲ. 1887, էջ 106, 115, 201:

²⁴ Յոթելեանքը հավասար է 50 տարվա շրջանի (Ա. Աբրահամյան, Տարեթվերի և ամսաթվերի գործածությունը հայ մատենագրության մեջ, Էջմիածին, 1956, էջ 18):

²⁵ Ուլիմպիատքը հավասար է չորս տարվա շրջանի (տե՛ս նույն տեղում):

²⁶ Ընդիքտիոնք թվականը սկսում է 313 թվից և 15 տարվա մի շրջան է (նույն տեղում, էջ 18):

²⁷ Թովմա Արծրունի, էջ 115, 201, 172, 269, 217, 230, 243, 247:

Հայ միջնադարյան պատմագրության հանելուկներից է պատմիչ կաթողիկոս Հովհաննես Դրասխանակերտցու անտարբերությունը թվականության գործածման նկատմամբ²⁸:

Այդքան բարձր զարգացման տեղի և բազմաճյուղ պատմիչը բոլորովին չի ձգտում իր նկարագրած դեպքերը շարադրել թվականով ժամանակագրությամբ (թեկուզ Թովմայի նման տալով միայն իր ժամանակի դեպքերի թվականները): Նա, որ, ինչպես վերևում տեսանք, հայկական տոմարի օգտագործումը բացառություն է հռոմայեցոց տոմարից կառած չլինելու անհրաժեշտությամբ, ինքը հայկական թվականը ի միջի ալոց է օգտագործում: Օրինակ, Աստուծան վկանների նահատակության թվականը դնում է «յերեք հարիւրորդի երկրորդի թուականութեանս Թորգոմայ»²⁹, այսինքն 853 թ.: Ի միջի ալոց օգտագործված են նաև հռոմեական և նույնիսկ հիշքի թվականները: Բուղայի կողմից գերեվարված և հավատափոխ չլինելու պատճառով մահվան դատապարտված հայ նախարարների նահատակությունը դնում է «ի ուր թուականին հոռոմոց»³⁰, այսինքն 855 թ.: VIII դարի սկզբին նախնականում և հրամամ արար իշխանավորների կատարած դադանաբարո արարքների մասին գրում է. «Յետ ութսուն և հինգ թուականին իւրեանց»³¹, այսինքն 704 թ.: Այստեղ խոսքը հստակ կերպով հիշքի թվականի մասին է, քանի որ ասվում է «նրանց թվականին»: Ինչպես տեսնում ենք, թվականների պատահական օգտագործումից այն կողմ չի անցնում Դրասխանակերտցին:

Հայ պատմագրության մեջ առաջինը, որ թվականով ժամանակագրությամբ շարադրեց իր պատմությունը, Ստեփանոս Տարոնեցի Ասողիկն է:

Նա մեր թվականությունից առաջ ընկած ժամանակաշրջանի համար գործածում է ընդհանրապես նվաճեցիկ Կեսարացու Քրոնիկոնի³² տվյալները: Մեր թվականության սկզբից մինչև Հայոց մեծ թվականի ընդունումը (նույնիսկ մինչև VII դարի սկիզբը), Ասողիկը գեղ չի տալիս թվակիր ժամանակագրություն, քանի որ այդ հարցում նրա հիմքը հայկական թվականությունն է: Միայն հիշում է. «Ի ծննդենէ Փրկչին մինչև ցժողովն Դունայ և զթուականն Հայոց ամբ շժգ», այսինքն 553: Ապա «ի լուսաւորութենէ սրբոյն Գրիգորի ամբ մժբ» (252), բրիտանություն ընդունումը համարելով 301 թ.³³:

Ստեփանոս Ասողիկը հայկական թվականությունն սկսում է օգտագործել միայն VII դարի դեպքերի համար և ապա տալիս է մոտավորապես չորս հարյուր տարվա թվակիր ժամանակագրությունը:

²⁸ Հայ պատմագրության մեջ թվականությամբ ժամանակագրության օգտագործման ուղացումը առավել ևս տարօրինակ է թվում, երբ նկատի ենք առնում, որ արար պատմագրության մեջ, որը հայկականից ուշ է զարգացել, հենց VII—IX դդ. արդեն խիստ կերպով օգտագործվում էր ճշգրիտ թվականությունը (հիշքի), նշելով ամեն մի դեպքի ոչ միայն տարին, այլև ամիսն ու օրը:

²⁹ Հովհաննես կաթողիկոս, էջ 158:

³⁰ Նույն տեղում, էջ 166:

³¹ Նույն տեղում, էջ 124:

³² Պետք է նշել, որ վերը տարբերություն կա նվաճեցիկ ժամանակագրության և Ասողիկի տված համակարգի միջև: Ասողիկը իր մատյանի գրության թվականը (1004) այսպես է հիշում. «Աղամայ մինչև առ մեկ յինել ամբ ցմժբ» (6282), այսպիսով, Աղամից մինչև մեր թվականության սկիզբը ստացվում է 5278, մինչդեռ նույն շրջանը նվաճեցիկի մոտ (և ամբողջ հայ մատենագրության մեջ) 5196 տարի է: «Ստեփանոսի Տարոնեցույ Ասողկան Պատմութիւն տիեզերական», Պետերբուրգ, 1885, էջ 18, 285, ծան. 26 (էջ 305):

³³ Ասողիկ, Դանդես Բ, գլ. Բ, էջ 83:

Հայոց իշխանների ու թագավորների թվականներով նա տալիս է իր ժամանակագրության հիմքը՝ Այսպես, օրինակ.

ՃԴ* (655) Համազասպ Մամիկոնյանը դարձավ իշխան հայոց (էջ 99)

ՃԼԴ (685) մեռավ հայոց իշխան Գրիգոր Մամիկոնյանը (էջ 100)

ՃԼԵ (686) Աշոտ Բագրատունին դարձավ իշխան հայոց (էջ 100)

ՃԽ (691) հայոց իշխան դարձավ Սմբատ Բագրատունին 20 տարով, հետո հաջորդում է Աշոտ Բագրատունին 15 տարով, ապա Սմբատը՝ 22 տարով և Աշոտ Մսակերը՝ 20 տարով (էջ 101)

ՄՀԵ (826) Սմբատ Աբլաբասը վերադարձավ արքայության արքունիքից (էջ 106)

ԵԺԲ (862) Աշոտ Բագրատունի՝ իշխանաց իշխան (էջ 110)

ԵԼԳ (887) Աշոտ Ա Բագրատունի՝ թագավոր հայոց (էջ 110)

ԵԽ (891) Սմբատ Ա թագավոր հայոց. թագավորեց 24 տարի (էջ 159)

ԵՏԸ (929) վախճանվեց Աշոտ Բ Երկաթ թագավորը, հաջորդեց Աբասը 24 տարի (էջ 170)

ԵՐ (953) վախճանվեց Աբաս թագավորը, հաջորդեց Աշոտ Գ Ողորմածը (էջ 180)

ԵԻԳ (977) վախճանվեց Աշոտ Դ, հաջորդեց Սմբատը 13 տարի (էջ 187)

ԵԼԸ (989/990) վախճանվեց Սմբատ Բ թագավորը, հաջորդեց Գագիկ Ա թագավորը (էջ 255)

Զափազանց կարևոր է քաղաքական անցքերի թվարկումը, թե՛ Հայաստանում, թե՛ երկրից դուրս.

ԿԸ (619) երևան եկավ Մահմեդը (էջ 118)

ՀԲ (623) Իսմայելի (արաբների) թագավորության սկիզբը (էջ 86)

ՀԷ (628) Հերակլը գրավեց Երուսաղեմը (էջ 142)

ՃԳ (637) արաբների առաջին արշավանքը Հայաստան (էջ 98)

ԴԵ (645) Դվինի գրավումը արաբների կողմից (էջ 98)

ՃԼԴ (685) խաղարների հարձակումը (էջ 100)

ՃԺԳ (704) Նախճավանում և Խրամում նախարարների հրկիզումը (էջ 125)

ՃԺԳ (737) Վահան Գողթնացու նահատակությունը (էջ 125)

ՄԴ (755) Կոստանդին կայսրը գրավեց Կարնո քաղաքը և քանդեց պարիսպը (էջ 142)

ՄԵ (756) Արմինիայի ոստիկան Նզիդը վերաշինեց այն (էջ 143)

ՄՀԸ (829) Միքայել կայսեր մահը (էջ 144)

Ե (851) ոստիկան Աբու Սաիդը եկավ Հայաստան (էջ 107)

ԵԲ (853) Ատոմյան վկաների նահատակությունը (էջ 109)

ԵԿԵ (916) Ռոմանոս կայսեր գահակալությունը (էջ 170)

ԵՃԳ (934) հույները գրավեցին Մելիտենեն (էջ 179)

ԵԴԸ (949) Հովհան Զմշկիկը գրավեց Կարնո քաղաքը (էջ 179)

ԵԺԲ (963) կայսր դարձավ Նիկեիորը (էջ 183)

ԵԺԵ (966) հույները գրավեցին Տարոնը (էջ 183)

ԵԺԷ (968) հույները պաշարեցին Մանազկերտը (էջ 183)

ԵԻԵ (976) կայսր դարձավ Վասիլը (էջ 187)

ԵԼԳ (987) Աբլահմը հարձակվեց Դվինի վրա (էջ 198)

* Ասողիկի բնագրում Բուր ճակատան թվականները տրված են փոքրատառերով:

նխդ (997) Դավիթ կուրապաղատը պաշարեց Խլաթը (էջ 268)

նխէ (998) Հայոց զորքի հաղթանակը Ռավվադյանների դեմ (էջ 269)

նծ (1001) Հայոց Գագիկ Ա թագավորի պատժիչ արշավանքը Դավիթ Ան-հողինի դեմ (էջ 280):

Իհարկե Ստեփանոս Տարոնեցի Ասողիկի հիշված թվականները առնված են տարբեր աղբյուրներից, VII—IX դդ. վերաբերող թվականները հավանաբար հաշվումներով է ստացել կամ էլ օգտագործել է մեզ անհայտ սկզբնաղբյուրներ: Ինչ վերաբերում է X դարի դեպքերի ժամանակագրությանը, ապա դա, բնականաբար, իր սեփական դիտողությունների կամ ուրիշներից իմանալու միջոցով է կազմված:

Իր աղբյուրների մասին Ասողիկը խոսում է աշխատության առաջին էջերում: Նախ և առաջ հիշում է Եվսեբիոս Կեսարացուն, ապա Սոկրատեսին և հայ պատմիչներին՝ Ագաթանգեղոս, Փավստոս, Եղիշե, Ղաղար Փարպեցի, Մովսես քերթողահայր, Սեբեոս, Ղևոնդ, Շապուհ Բագրատունի, Հովհաննես կաթողիկոս³⁴: Սակայն կան տվյալներ, որոնք ցույց են տալիս, որ նա ունեցել է նաև այլ (օտար) աղբյուրներ:

Ղևոնդ պատմագրի³⁵ մոտ կա արաբ խալիֆաների իշխանության տարիների թվարկում, որը զրեթե նույնությամբ կրկնում է Թովմա Արծրունին³⁶, իսկ Ասողիկը նույնը տալիս է փոքր փոփոխություններով³⁷: Փակագծերի մեջ տալիս ենք Ասողիկի հիշած թվերը:

Մահմետ	2	
Աբու Բաբր, Ամր, Օթման	38	
Մուալիա	19 տարի 4 ամիս (19)	
Եզիտ	2 տարի 5 ամիս (2)	
Աբդու-մելիք	21	(21)
Վիթ	10 տարի 8 ամիս (10)	
Սուլեյման	2 տարի 8 ամիս (3)	
Ռմար	2 տարի 5 ամիս	
Եզիտ	6	(6)
Հեշմ	19 տարի	(12) ³⁸
Վիթ	1 և կես տարի	
Մրուան	6	
Աբդլա	3	(3)
Միւս Աբդլա	22	(2)
Մահմետ Մահադի	8	
Մուսէ	1	(1)

Սակայն հենց հաջորդ (և) զիսում Ասողիկն ունի նաև մի այլ ցուցակ հետևյալ վերնագրի տակ. «Յայլմէ պատմագրի Յաղաղս Ամիր ալ-Մումնեացն Տաճկաց»³⁹:

³⁴ Նույն տեղում, էջ 6—7:

³⁵ Ղևոնդ, էջ 3, 12, 14, 31, 40, 42, 99, 100, 115, 116, 129, 154, 161:

³⁶ Թովմա Արծրունի, էջ 105:

³⁷ Ասողիկ, հանդես Բ, դ. Դ, էջ 116—135:

³⁸ Գուցե գրչական սխալի հետևանքով ժթ (19) դարձել է ժր (12):

³⁹ Ասողիկ, հանդես Բ, գ. Ե, էջ 135: Հայտնի չէ, թե հայ պատմագրությունը որևէ արաբական պատմական աղբյուր կամ թեկուզ հակիրճ ժամանակագրություն թարգմանել է:

Մահմետ մարդարէ Տաճկաց, պետացեալ ամս Բ

Աբուբարբ ամս Կ⁴⁰

Ոմառ ամս ժա

Աւթման իսկն Ափան ամս ժ

Մովհա ծեր ամս իգ

Իղիտ ամս գ

Մաւիա իսկն Յիզիտն ամս ա

Մրուան ամս ա

Աբգլմելք Իսկն Մրուան ամս ի

Վլիթ իսկն Աբգլմելք ամս թ մինչև ի ճկգ (714) թուականին հաւոց

Իսկ զկնի Վլթի եկաց ամիր ալ-Մումնի ի Եղբ (743) թուականին Մրուան

Աբգլայ մեռաւ ի մծր (770) թուականին

(Աբգլայ միւս Իսկն որ ի Հոռոմս եմուտ)⁴¹

Մահդիի ամիր ալ-Մումնի եղև

Ահարոն մեռաւ ի Եծե (706)⁴²

Ահարոն, որոյ եղբայր Զափո ի մղը (849) թուականին մեռաւ

Զափո ի յծա (862) թուականին

Ահմատ, որ զԱլի որդի Յահէի Հայոց ամիրայ առաքեաց և զԱշոտ իշխանաց իշխան արար ի յծա (862) թուականին

Ապա Ասողիկը բացատրում է, որ ինքը կամեցել է հակիրճ գրել այս բոլորի մասին, բայց այլևայլ պատմությունների մեջ իրարից տարբեր անուններ և ժամանակներ է գտել, ուստի որոշել է բոլորը գրի առնել, որպեսզի ոչ մի պակաս չլինի իր տվյալների մեջ:

«Թէև շատ ինչ աշխատեցաք ի պատմագրական տառս առաջնոցն՝ գրել կարճ ի կարճոյ զգրոյցս անցելոցս (և ստուգիւ են ասացեալքն), սակայն զանուանս և զժամանակս ամիր ալ-մումնեացն զոմանց այլ և այլս գտար ի պատմութիւնսն. ոչ գիտեմ, թէ երկանուն նոքա եղեալք, թէ մի ընդ միով երևեալ ահաւորք և շքեղք իբրև զինքնակալս երևեցան, զորոց զանուանսն յիշատակ գրոյ առին. սակայն մեր զբոլորն ի գրի աստ գրեցաք, զի մի թերութիւն բանի երևեսցի աստ»:

(Թեև մենք շատ աշխատեցինք հնների պատմագրական մատյանների վրա, որպեսզի աշխատեցինք համառոտ դուրս բերենք անցյալի պրոյեցները և պատմիչների ստույգ խոսքերը, սակայն ամիր ալ-մումնիների ոմանց անունները և ժամանակները գտանք այլևայլ ձևերով: Չգիտեմ, զուցե նրանք երկանուն էին կամ թե իրար կողքի երևալով⁴³ իրենց ահավոր և շքեղ տեսքով նրանք

թե ոչ, ն. Ալիսյանը կարծում է, որ Մովսես Կաղանկատվացու (ըստ նրա՝ Դասխուրանցու) «Պատմութիւն» Դ հատորի Ա և Բ գլուխները թարգմանված են ինչ-որ արաբերեն գրվածքից: Նաև այն դեռ չի պարզարանված հայ և արաբ պատմագրական առնչությունների հարցը (ն. Ալիսյան, Մովսես Դասխուրանցի (կոչված Կաղանկատվացի) և իր «Պատմութիւն Աղուանից», Վիեննա, 1970, էջ 336—341):

⁴⁰ Արու Բաբրը միայն երկու տարի է իշխել, իսկ 60 տարին պարզապես թյուրիմացություն է:

⁴¹ Այս տուր բնագրում երկու Ահարոնների միջև է գրված, մենք բերել ենք իր իսկական տեղը:

⁴² Գուցե մծե Եղած լինի (806), որն ավելի մոտ է իրականության (809 թ.):

⁴³ Այսինքն՝ իրար ձեռքից իշխանությունը խլելով:

[բոլորը] թվացել են անկախ տիրակալներ և նրանց անունները պատմության մեջ հիշատակվել են գրով: Սակայն մենք ամեն ինչ այստեղ դրի առանք, որ պեսղի ոչ մի թերություն չլինի)⁴⁴:

Ասողիկը չի ասում, թե ով է «այլ պատմագիրը», որի էությունը միշտ անորոշ է համարվել նրա բնագրի բոլոր հրատարակիչների կողմից: Հավանաբար այդ պատմիչը պետք է օտար լինի, քանի որ, ինչպես տեսանք, նախորդող հայ պատմիչների մոտ այլ տվյալներ կան: Արաբ խալիֆաների իշխանության տարիների մասին նման ցուցակներ կարելի է կազմել նաև հույն և ասորի պատմիչների տվյալներով: Դուրս բերելով IX դարի սկզբի բյուզանդացի պատմիչ Թեոփանեսի տեղեկություններն այդ մասին⁴⁵, ստանում ենք մի ցուցակ, որի թվերի հետ բավական նմանություն ունեն «այլ պատմագրի» տվյալները:

	Ղենդ	այլ պատմագիր	Թեոփանես
Աբու Բաբբ		60	2,5
Ամր (Ոմար)	38 տարի	11	12
Օթման		10	10
Մուավիա	19 տ. 4 ամիս	23	24
Եզիդ	2 տ. 5 ամիս	6	3
Մուհա Խալիդ		1	
Մուհան		1	1
Աբդուլեիլ	21	20	22 (21,5)
Ալիբ	10 տ. 8 ամիս	9	9

Աղյուսակում այլ պատմագրի տվյալները ավելի մոտ են Թեոփանեսին, քան Ղենդին: Սա մեզ հիմք է տալիս ենթադրելու, որ գուցե Ստեփանոս Տարոնեցին ծանոթ է եղել բյուզանդական հայտնի պատմիչի ժամանա-

⁴⁴ Ասողիկի Բ գրքի և գլխի հարադատությունը վիճելի հարց է եղել անցյալում: Կարապետ վարդապետ Շահնազարյանցը էջմիածնի մի ձեռագրի հիման վրա կատարած իր հրատարակության մեջ շունի այս գլուխը և նախորդ գլխի մի մասը, թեև Բ գրքի զխացանկում հիշվում է և գլուխը («Յայլմէ օրինակէ յաղագս ամիր ալ-Մումնեացն Տաճկաց և երկանուն սկզբանց», «Ասողկայ Պատմութիւն տիեզերական», Փարիզ, 1859, էջ 59): Մի քանի տարի հետո լույս տեսած ուսերեն թարգմանության առաջաբանում Մ. էմինը գրում է, թե Բ գրքի և գլուխը, որի վերնագիրը հիշված է Կ. Շահնազարյանցի հրատարակության մեջ Է. ամբողջությունը կա Բրոսեի ու Միխիթարյանների ձեռագրերում, անհարազատ է: Այսուհանդերձ իր հրատարակության հավելվածների մեջ տվել է և գլխի հալերեն բնագիրը և ուսերեն թարգմանությունը («Всеобщая история Степаноса Таронского Асохника», пер. Н. Эмин, М., 1864, էջ X—XI, 324, 330): է. Դյուլորենն ֆրանսերեն թարգմանության մեջ տվել է նաև այս գլուխը, ծանոթագրությունների մեջ շեշտելով, որ սա հարազատ է Ասողիկի բնագրին (Histoire Universelle par Etienne de Daron, trad. par E. Dulaurier, Paris, 1883, էջ 204): Նույնը կրկնում է նաև Ս. Մախասյանցը իր հալերեն հրատարակության մեջ (Ասողիկ, էջ 371—374):

⁴⁵ Թեոփանես Խոստոմոփանոզ, Ուարդմ. Հ. Բարթիկյանի (ձեռագիր), էջ 50, 57, 61, 76, 77, 83:

կագրությունը⁴⁶։ Այս առթիվ կուզենայինք նշել, որ արդարացի չէ այն իշխող կարծիքը, թե նա իր առաջին երկու հասարակական նյութը սոսկ ընդօրինակել է նախորդ պատմիչներին։ Համենայն դեպս վերոհիշյալ փաստերը ցույց են տալիս, որ նա պրպտումներ է կատարել ճշտելու համար այլ պատմիչների տված ժամանակագրական տվյալները։

Ստեփանոս Տարոնեցի Ասողիկը արժանի է ավելի պատվավոր տեղ գրավելու հայ պատմագրության մեջ, քան ունեցել է մինչև այժմ։ Եթե Մովսես Խորենացին առաջին պատմիչն է, որ տվել է Հայոց պատմության ժամանակագրությունը (ըստ թագավորների իշխանության տարիների), ապա Ստեփանոս Տարոնեցին առաջինն է, որ տալիս է Հայոց պատմության թվակիր ժամանակագրությունը, թեկուզ միայն չորս դարի (VII—X դդ.) համար (քանի որ հիմք էր ընդունել միայն հայկական թվականը)։ Առանց թվականի զգտագործման պատմությունը զուրկ է ճշգրտությունից։ Ստեփանոս Տարոնեցին հայ պատմագրությունը բարձրացրեց նոր աստիճանի, հնարավորություն տալով հետագա հայ պատմիչներին առավել ճշգրիտ ձևով նկարագրելու պատմական իրադարձությունները։ Նրա թվականներից շատերն այժմ ընդունված են հայ պատմագրության մեջ։

Ստեփանոս Ասողիկից հետո թվակիր ժամանակագրության համակարգը ավելի զարգացավ։ Սամուել Անեցին արդեն զգտագործում է փրկչական թվականը (մեր թվականությունը), որի շնորհիվ կարողանում է թվագրել նաև մեր թվականության սկզբից մինչև VII դարն ընկած դեպքերը։ Դրանից հետո հաճախ զուգահեռ զգտագործում է հայկական և փրկչական թվականները⁴⁷։ Իսկ մեր թվականությունից առաջ (նախքան Քրիստոս) ընկած ժամանակաշրջանի համար գործածում է արարչության յոթանասնից (Եվսեբիոսի) թվականը 5198 տարվա շրջանով։ Այդ նույն ձևով շարադրում է Հայոց պատմությունը նաև Մխիթար Այրիվանեցին⁴⁸ և շատ այլ պատմիչներ։

Նոր դարերում հայ պատմագրության հիմնադիր Միքայել Չամչյանը այս նույն ձևով է հաշվում ժամանակագրությունը։ «Ի սկզբանէ ի Քրիստոս»⁴⁹ շրջանն ընդունելով 5198 տարի (յոթանասնից թվականը), նա հաշվում է հայ ժողովրդի պատմությունը հնագույն ժամանակներից։ Օրինակ՝ հայ ժողովրդի նախահայր Հայկ նահապետը Բելի դեմ ապստամբեց 2853 թ. (5198—2853=2345 մեր թվականությունից առաջ) և եկավ իր գերդաստանով հաստատվեց «ի կողմն հիսիսոյ յերկիրն Արարատայ»⁵⁰։

Հայ նոր պատմագրությունը (XIX դարում և մեր օրերում) թեև այլևս չառաջնորդվեց հայկական թվականությամբ, պատմության ժամանակագրությունը կատարելով մեր (փրկչական) թվականությամբ, սակայն նրա հիմքում ընկած են Ստեփանոս Տարոնեցի Ասողիկի և նրան հաջորդող պատմիչ-

46 Այս ծանոթությունը երևում է նաև այն բանից, որ «այլ պատմագրի» ցուցակում Օսման խալիֆան հիշվում է հայրանունով՝ իպն Ափան (Թեոփանեսի մոտ՝ «Ֆանի որդի»), մինչդեռ VII—X դդ. հայ պատմիչներից ոչ մեկը չի հիշում նրա հայրանունը։

47 «Սամուելի բաժանայի Անեցոյ հաւաքմունք ի գրոց պատմագրաց», Վաղարշապատ, 1893։

48 «Մխիթարայ Այրիվանեցոյ Պատմութիւն Հայոց», Մոսկվա, 1860։

49 Ն. Զամչեանց, Պատմութիւն Հայոց ի սկզբանէ աշխարհի մինչև ցամ տեառն, հատ. Ա, Վենետիկ, 1784, էջ 8։

50 նույն տեղում, էջ 62։

ների (Սամուէլ Անեցի, Մատթեոս Ուռհայեցի, Միսիթար Այրիվանեցի, Սմբատ ուլատմիչ, Կիրակոս Գանձակեցի, Ստեփանոս Օրբելյան, Վարդան և ուրիշներ)⁵¹ հաղորդած թվակիր ժամանակագրության տվյալները⁵²:

ХРОНОЛОГИЯ С ЛЕТОСЧИСЛЕНИЕМ В АРМЯНСКОЙ ИСТОРИОГРАФИИ

Доктор историч. наук А. Н. ТЕР-ГЕВОНДЯН

(Резюме)

Хотя историография в Армении еще в V в. достигла высокой степени развития, однако до VII в. армянские историки не употребляли летосчисления и связывали исторические события с годами правления того или иного лица. Основой хронологии в исторических сочинениях стало «великое армянское летосчисление», принятое в 584 г., которое вело свое начало с 552 г. Однако историк VII в. Себеос не прибегает к «армянскому летосчислению», и даже последующие авторы — Анания Ширакаци (вторая половина VII в.), Иоанн Одзнецци (VIII в.), Гевонд (VIII в.), Товма Арцруни (начало X в.), Иоанн Драсханакертци (начало X в.) — употребляют его только эпизодически.

Первый армянский автор, который систематически употреблял летосчисление, это историк конца X — начала XI вв. Степанос Таронечи (Асолик). Хронология событий в Армении до VI в. н. э. у Асолика еще связывается с годами правителей, но хронологию четырех веков, с VII по X, он излагает с помощью армянского летосчисления.

⁵¹ «Մանր ժամանակագրություններ XIII—XVIII դարերի», կազմեց Վ. Հակոբյան, հատ. Ա, Երևան, 1951, էջ 22—26, 35—50, 74—87. հատ. Բ, Երևան, 1956, էջ 3—27, 118—151:

⁵² E. Dulaurier, Recherches sur la chronologie arménienne, Paris, 1859.